


Արգելոցը միակ վայրն է Հայաստանում, ուր անտառի վերին սահմանի մոտ պահպանվել են բոխու պուրակային անտառները:

Անտառային գոտուց վեր, սկսած 2200 մ բարձրությունից, տարածվում է բարձր լեռնային ենթալպյան մարգագետնային բուսականությունը: Անցումային գոտում շատ են տրագականտային գազերի խեժաբեր տեսակները, եղջյուրավոր կորնզանը եւ ոզնաթուփը: Դրանց շատ խիտ ճյուղավորված փշոտ բարձիկները ծաղկելիս ծածկվում են դեղին, մանուշակագույն, նուրբ վարդագույն ծաղիկներով:


2400 մ-ից մինչեւ 2600 մ բարձրություններում գերակշռում են մերձալպյան կորաբուն անտառները, որտեղ մացառային կաղնու հետ միասին աճում են նաեւ կեչին, արոսենին, բարձրլեռնային թխկին, տեղ-տեղ փռված գիհին:

Արգելոցի կենդանական աշխարհը վատ է ուսումնասիրված: Հայտնի է, որ արգելոցում բնակվում են սողուններ՝ գյուրգա, ջրային եւ սովորական լորտու, դեղնափորիկ, հայկական իժ եւ այլն, թռչուններ՝ կասպիական հնդկահավ, մորուքավոր արծիվ, անգղի տարբեր տեսակներ եւ այլն, եւ կաթնասունների բազմաթիվ տեսակներ՝ գայլ, աղվես, կովկասյան անտառակատու, այծյամ, նապաստակ, գորշուկ եւ այլն: Հանդիպում է բեզդարյան այծը: Տեղական բնակչության վկայությամբ, արգելոցում բնակվում է նաեւ առաջավորասիական ընձառյուծը: Կրծողներից հանդիպում է լեռնաբնակ բուսակեր հնդկական մացառախոզը: Նշված կենդանիների մեծ մասը գրանցված է Հայաստանի Կարմիր գրքում:



Եվրոպական լուսան
Lynx lynx

Լուսանկարները՝ Ի.Խորոզյանի, Ա.Մալխասյանի եւ Մ.Բոյաջյանի



Հնդկական մացառախոզ
Hystrix indica



Սույն հրատարակությունը իրագործվել է «Հայ կանայք հանուն առողջության եւ առողջ շրջակա միջավայրի» ՀԿ կողմից Նորվեգիայի Վայրի բնության համաշխարհային հիմնադրամի (WWF) ֆինանսական աջակցությամբ:

Սպիտակագլուխ անգղ - Gyps fulvus



<http://www.surfbirds.com>



Հայ կանայք
հանուն առողջության
եւ առողջ շրջակա
միջավայրի ՀԿ
www.awhhe.am



AWHHE



375019, ՀՀ, ք. Երևան
Բաղրամյան պող. 24դ,
սեյլակ 609

Հեռ. (+374-1)-52 36 04
office@awhhe.am
www.awhhe.am

Բեզդարյան այծ
Capra Aegagrus



Շիկահողի տեսարան
Լուսանկար՝ Ս. Մալխասյանի

Շիկահողի արգելոց

- Հիմնադրումը՝ 1958 թ.
- Տարածքը՝ 12 137 հա
- Տեղադրությունը՝ Սյունիքի մարզ
- Նպատակը՝ կաղնու, բոխու, կաղնուտաբոխուտային անտառների, արեւելյան հաճարենու, հատապտղային կենու, արեւելյան ստուռ եւ կենդանիների պահպանություն:

Արգելոցը գտնվում է ծովի մակերեւույթից 700 - 3256մ բարձրության վրա, Խուստուլի լեռնազանգվածի հարավային եւ Մեղրու լեռնաշղթայի հյուսիսային լանջերին: Նրա տարածքով հոսում են Ծավ եւ Շիկահող գետերն իրենց լեռնային վտակներով: Արգելոցի բնության հուշարձաններից են՝ Սթնածորը, գեղեցկատես ժայռերը եւ քարանձավները:

Արգելոցի բուսաշխարհն ընդգրկում է 1074 տեսակ ծաղկավոր բույս: Արգելոցում աճող մոտ 70 տեսակ գրանցված է Հայաստանի, իսկ 18-ը՝ Նախկին ԽՍՀՄ Կարմիր գրքերում: Արգելոցում աճում են էնդեմիկ շատ տեսակներ, որոնցից շատերը կոչվում են Չանգեզուր տեղանունով, օրինակ՝ տանձենի Չանգեզուրի, գանգակածաղիկ Չանգեզուրի, շնկոտեմ Չանգեզուրի, մորենի Թախտաջանի, վարդակակաչ խճճված, Ստեւենի եւ հայկական



Տանձենի - Pyrus spp.

<http://www.botanypictures.com>

տղիններ եւ այլն:

Արգելոցում աճում են հազվագյուտ ռելիկտային պտերներ՝ իժալեզու սովորական, արծվապտեր դրիմյան, ձնծաղիկ անդրկովկասյան, խլորձի, հիրիկի, կակաչի, շնդեղի, խլպուզի տարբեր տեսակներ:

Արգելոցի բուսականության հիմնական տիպը՝ անտառը, տարածվում է 1000 - 2200 մ բարձրությունների վրա եւ կազմված է վրացական ու խոշորառեջ կաղնու, սովորական ու արեւելյան բոխու տեսակներից: Որպես ուղեկցող տեսակներ հանդես են գալիս հացենին, լորենին, թխկին, թեղին /ծփի/:



Ղրախտածառ սովորական - Cotinus coggygria

<http://flora.nhm-wien.ac.at>



Թզենի - Ficus carica L.

<http://www.botanypictures.com>



Նռնենի - Punica granatum L.

<http://davesgarden.com>

Բոխուտները տարածվում են հյուսիսային դիրքադրության լեռնալանջերին: Արգելոցում գտնվում է արեւելյան հաճարենու՝ Հարավային Հայաստանում միակ անտառակը: Անտառներում շատ են վայրի պտղատուները՝ հունական ընկուզենին, տանձենին, արեւելյան խնձորենին, սալորենին, ինչպես նաեւ մի շարք ջերմախոնավասեր ծառաթփային տեսակներ՝ բթատերեւ պիստակենին, ցանովի շագանակենին, կովկասյան խուրման, բոխատերեւ զելկովան, սովորական նռնենին, սովորական զկեռը, թզենին եւ այլն:



Հիրիկ գայլի - Iris lycotis
Լուսանկարը Է.Գաբրիելյանի

Փոքրիկ ծառախմբերի կամ առանձին ծառերի տեսքով աճում է նաեւ հատապտղային կենին: Շիկահող գյուղի մոտ, հաճարենու մութ ու խոնավ անտառի խորքում գտնվող կենու ծառախումբը կազմված է երիտասարդ, 25-30 տարեկան ծառերից: Արգելոցի տարածքում հատուկեցտ առանձնյակներով կամ խումբ-խումբ հանդիպում է արեւելյան սոսին:

Արգելոցի ստորին լեռնային գոտում, մինչեւ 1000 մ բարձրությունը, տարածվում են արաքսյան կաղնու ցածրահասակ ծառուտները եւ միջերկրածովյան բուսականության շատ հետաքրքիր մի տիպ՝ շիբլյակը: Վերջինիս ուղեկցում են սովորական դրախտածառը, մերկ փռնին, սովորական ծորենին /կծոխուր/ եւ այլ չորակայուն թփեր եւ նույնքան էլ չորակայուն շիբլյակին հատուկ խոտածածկ, ուր գերակշռում է սովորական միրուսաբույսը /կծմախոտ/՝ իր բարձր, ընդհանուր հասկակոթի վրա մատնածեւ տարածված, երկար թելանման հասկերով:



Այծյամ - Capreolus capreolus
Լուսանկարը՝ Ի.Խորոզյանի,
Ա.Մալխասյանի եւ Մ.Բոյաջյանի